

Agadraporto 2022

1. ADMINISTRADO

1.1 Membraro

2022 : 115
2021 : 85
2020 : 94
2019 : 156
2018 : 161
2017 : 120

1.2 Jarkunveno

La jarkunveno okazis sabaton la 19an de marto 2022 rete per Zoom. La agadan kaj finanĉan raporton aprobis la membroj per reta kaj poŝta voĉdonadoj.

Ricevintoj de balotilo: 87 rete kaj 5 poŝte, entute 92

Voĉdonantoj: 51 rete kaj 2 poŝte, entute 53

Elcento de partopreno: 56 %

Aprobo de la agadraporto: 45 aprobas, 1 ne aprobas, 7 sindetenas. Konklude la agadraporto estas aprobita.

Aprobo de la finanĉa raporto: 45 aprobas, 0 ne aprobas, 8 sindetenas. Konklude la finanĉa raporto estas aprobita.

Jen la nova komitato :

- Pierre Gauthier (PG) (44 voĉoj)
- Marc Giraud (MG) (47 voĉoj)
- Didier Janot (DJ) (39 voĉoj)
- Aleks Kadar (AK) (42 voĉoj)
- Aurélien Lestage (AL) (45 voĉoj)
- Didier Loison (DL) (47 voĉoj)
- François Lo Jacomo (FLJ) (46 voĉoj)
- Laure Patas d'Illiers (LPI) (48 voĉoj)
- Marianne Pierquin (MP) (49 voĉoj)
- Guillaume Vera-Navas (GVN) (44 voĉoj)

Tuj post la jarkunsido, la komitato elektis novan estraron :

- Marc Giraud, prezidanto
- Marianne Pierquin, vic-prezidanto
- Laure Patas d'Illiers, sekretario
- Aleks Kadar, vic-sekretario
- Didier Loison, kasisto
- Pierre Gauthier, vic-kasisto kaj reprezentanto ĉe Esperanto-Franĉio.

Ĉiuj mandatoj finiĝos dum la jarkunveno 2023

1.3 Komitataj kunvenoj

Inter la lasta jarkunsido kaj la venonta, la komitato kunsidis 5foje : 19/03, 10/06, 06/09, 02/12, 13/01

1.4 Rilatoj kun Esperanto Francio

Pierre Gauthier estas nia delegito ĉe la komitato de Esperanto-Francio. Diversaj bonvolemuloj de nia federacio helpas ĉe la ĉerizejo pri diversaj taskoj. Pluraj franciliaj esperantistoj estas membroj de la komitato de Esperanto-Francio kaj partoprenas en la vivo de la landa asocio

1.5 Komunikado

La komunikado de la federacio unue disvolviĝas per la retejo esperanto.paris. Sekve kaj kaskade, la informoj estas publikigitaj en pluraj sociaj retoj. Por atingi pli rapidan kaj efikan rezulton ni starigis novan organizadon danke al respondeculoj pri diversaj taskoj :

esperanto.paris : DJ, AL

esperanto aktiv' : LPI, MG

Facebook : MG, DL, MP

Dissendo-listoj : LPI, MG

Amikumu : LPI

Twitter : PG

Mastodon : PG

Telegramo : AL

Meet-up : DJ

Eventa servo : AK DJ MP

Informletero de la MVAC (maison de la vie associative et citoyenne de Paris Centre) : DL

2. AGADOJ

2.1 Eventoj

En 2022, la pliboniĝanta sanitara situacio ebligis al ni denove organizi ĉeestajn eventojn :

- **Kulturaj vesperoj** : (LPI) Kulturaj vesperoj okazis ĉiumonate, la 1an merkredon, de aprilo ĝis junio kaj de oktobro ĝis la ĜA. Tiam okazis diversas aktivajoj, sekvitaj de kuna manĝo. LPI gvidis atelieron pri verkado. Ni spektis la filmon "Angoroj" de Jacques-Louis Mahé, la videajon pri Lucien Péraire de Régis Fournier, la muzikalon de Tejo "June kaj kune", la teatraĵon "1910" de Ĵenja Amis. La 7an de decembro Svitlana Kozarenko prelegis pri Ukrainio kaj ĝia kulturo. La videajo pri Lucien Péraire kaj filmo el la prelego de Svitlana estis enretigitaj en nian retejon.

- **Eo-kafejoj** : La Esperanto-kafejo okazas ĉiumonate ĝenerale la duan sabaton. Estas okazo por Esperantistoj por renkonti kaj babili pri io ajn manĝante kaj trinkumante en bonetosaj lokoj. Komencantoj estas bonvenaj. Partoprenas inter 4 kaj 15 homoj. Dum la somero la Eo-kafejo transformiĝis al piknikoj, en arbareto de Vincennes kaj Buttes Chaumont.

- **Foiro pri matematikaj ludoj** : Post du jaroj da virtualaj foiroj, la ĉi-jara okazis ĉeeste, placo Saint Sulpice, de la 2a ĝis la 5a de junio. Prizorgis FLJ, deĵoris AL, DL, LPI, PG, Elisabeth Barbay, Melono kaj Lucien Bresler. La rezulto estas kontentiga, pro la fakto ke ĝi estis surloka. La televido kun videajoj montriĝis utila, oni ankaŭ ludigis videajon ĉiaman. La ludo de Elisabeth pri nombrado tre sukcesis. FLJ varbis unu virinon kiu deziras kurson por komencantoj. Venontfoje ni kunportu pli diversajn materialojn. Eble eĉ krei specifan disdonendaĵon? Ĉu ludojn ? AL estas pripensanta pri ludo. Dum la foiro, ni difektis materialon de Espéranto France. Régis Fournier kaj PG riparigis ĝin en februaro 2023.

- **Antony Europa 2022** : Sabaton, la 25an de junio posttagmeze, nia federacio mendis senpagan budon dum evento Europa 2022 en Antony. Deĵoris Elisabeth Barbay, Lucien Bresler, Aleks Kadar, Aurélien Lestage kaj François Lo Jacomo. La budo estis malpli granda, sed ni prezentis librojn,

ludojn, kakemonon, kaj saman materialon kiel en la foiro pri matematikaj ludoj... Ne multe pluvis, kaj en etoso simpatia ni renkontis multe da publiko.

- **Malferma tago** okazis sabaton la 17an de septembro. Deĵoris MP, LPI, PG. Malmulte da interesatoj venis, tamen kelkaj fariĝis kursanoj poste.

- **Homara festo** : per homaj laborfortoj ni kontribuis al la partoprenado de Esperanto-Francio en septembro 2022. Dum tri tagoj, 9-10-11a de septembro 2022, pluraj membroj de nia asocio (i.a. DL, GVN, MG, PG, AK, AL) venis al la Homara festo por deĵori ĉe la budo de Espéranto-France ene de la « Libra Vilaĝo ». Aldone al la disdonado de kalendaretoj kaj paĝmarkiloj, pluraj libroj estis venditaj tiuokaze. Tiu sperto naskis plurajn ideojn por plibonigi la venontajn ĉeestajn eventojn.

- **Libro-tago** okazis sabaton la 10an de decembro. Ni invitis Laure Patas d'Illiers dediĉi sian laste verkitan libron "Sur bluaj planedoj" kaj Michèle Abada-Simon dediĉis ekzemplerojn de la bildstrio tradukita de ŝi (inter aliaj) "Ĉiuj superherooj"

- 17/12/22, la **ZamFesto** kontentige okazis ĉe la fervojistoj. DL kaj LPI prizorgis bufedon kaj vendis librojn. Estis miskompreno pri la bufedo, do estis 2 bufedoj, la nia kaj tiu de FFCE, ĉar neniu konfirmis al ili ke ni prizorgos la bufedon, pasintfoje Sylviane membris en nia komitato, sed ne plu; venontfoje ni informu prie.

- 07/01/23, la **reĝkuka festo** kontentige okazis, venis trideko da homoj, interalie novuloj: lernantoj de kurso kaj veraj novuloj.

- **Mikaelo Bronŝtejn**, rusa kantisto, komponisto, tradukisto, verkisto, el Sankt-Peterburgo, prelegos en Parizo pri sia romano "Mi stelojn jungis al revado" – Ekflugo kaj falo de SEU (Sovetrespublikara Esperantista Unio, la plej forta landa Esperanto-asocio)

La unuan Laŭron de la Akademio ricevis en 2021 Mikaelo Bronŝtejn pro tiu ĉi romano. Surbaze de multjara esplorado tra amaso da fontoj, ĝi fidine montras la naskiĝon de du proletaj Esperanto-organizaĵoj, SAT kaj SEU, iliajn interrilatojn, la dudekjaran marŝadon de Sovetrespublikara Esperantista Unio supren – al la zenito de sia gloro – kaj poste suben – al plena pereco, konvinke prezentante la kaŭzojn de tiaspeca finalo.

Sabato 18 februaro 2023 je la 17a en la sidejo de SAT-Amikaro

- Ni organizis aŭ partoprenis en multaj retaj eventoj kadre de la **ĝemelaj urboj Romo kaj Parizo**. De la komenco de nia kunlaboro okazis jam 25 babilrondoj (la 25a okazis la 4an de februaro) kaj 5 legokluboj (la 5a okazis la 21an de januaro). De Marto 2022 okazis 9 babilrondoj kaj 2 legokluboj. De septembro 2021 Ni turneas tra la mondo kaj ĝis nun haltis en Tokio (4foje), Seulo (2foje), Pekino, Novjorko (2foje), Varsovio, Ĉilio, Vjetnamio ...

2.2 Instruado

De septembro 2021 nia federacio ofertas 5 kursojn

- ĉeesta por komencantoj de PG (5 lernantoj)
- ĉeesta por mezniveluloj de MP (5 lernantoj)
- ĉeesta por altniveluloj de FLJ (2-5 lernantoj)
- ĉeesta kurso "Café croissants Espéranto" de GVN (varia nombro de lernantoj)
- reta kurso por mezniveluloj de MG (4-10 lernantoj)